

玄覽堂叢書續集

第十九冊

文淵閣書目

倭奴遺事

東海鍾薇輯

時年七十有五

太祖高皇帝迅掃腥羶蕩清六合寓內生靈皆  
欲措之於衽席安若履孟惟恐一夫失所凡  
有利於民生者莫不審慮而周防之如薄海  
一帶逼隣諸島不無納款貢獻者不無老死  
相安於島者惟日本倭奴桀黠狡譎難信  
洪武初屢寇山東濱海二年遣官齎璽書往

傳女  
報即位猶未向化四年復遣趙秩泛海至折  
木崖入其境宣諭中國威德禮遇秩遣其臣  
僧祖來隨秩來朝進方物未幾復寇温州知  
其俗尚佛

命二高僧往諭倭王喜遣使入貢繼又入寇  
上命靖海侯吳禎往捕遇賊於琉球大洋中  
悉俘其衆後復貢隨復寇畧無寧歲十五年  
丞相胡惟寧謀不軌遣指揮林賢持書往倭

王偕助王許如期果遣僧率倭奴四百餘人  
偽云入貢火藥兵伏藏之戶燭中時惟庸以  
敗

上猶未悉其招來之故姑發倭奴于雲南守  
禦

上知倭性變詐無常命信國公湯和自廣東  
雷廉閩之漳泉福興浙之溫台直隸蘓松山  
東登萊渤海一帶相所要衝建立衛所以隄

防之吾松于浙直交關處地名篠簕鎮一名  
鸚鵡洲創建金山衛去東七十里建青村所  
再東北建南匯所府城亦增守禦千戶所專  
設備倭指揮千百戶等官調戡留都軍七千  
每所一千一衛四千守禦衛有指揮所惟千  
百戶以次分撥遼曠處立墩堡蘓州亦立所  
衛遇警舉烽傳報絡繹策應無首尾疎虞隄  
防亦審矣

永樂二年因見倭奴時托貢名實欲肆寇乃遣通政趙居仁賫勘合會倭十年一貢止許正副不過二百人非期而至夾帶兵器並以寇計居仁不受倭王餽而返

上喜尋命崔吉印誥冊封為日本王詔其國名曰壽安鎮國山明年平江伯陳瑄領海運遇倭追至朝鮮焚其舟斬獲無算十九年犯遼東總兵劉江巡視諸邊適至相形

勢見金州衛金線島之西北望海窩其地極  
高可一目諸島為海上之要領築城立堡以  
便瞭望始完一夕瞭見東南火光江度有倭  
寇至急調官軍赴窩備之設伏山麓選壯士  
潛火賊舟截其歸計來日倭奴二千餘果直  
擣窩下即登岸江披髮伏劍作天神狀以愚  
之鳴炮伏起賊見有備倉皇不能戰掩殺之  
枕藉而死餘奔空堡將士請入勦江不許惟



開西門縱之出命師作兩翼夾擊之生擒斬  
獲幾盡餘奔入舟舟以焚無一走脫者禦倭  
數年未嘗有此大捷倭常寇金山衛主帥統  
兵出南門見賊猖獗不戰而覆指揮侯端出  
東門與賊遇巷戰身被箭如蝟毛戰益力賊  
驚曰好將軍賊欲生得端以所掠布橫截於  
道端以劒斫之賊墮大哄不能遏端得出東  
門收散亡百人持草焚其艘絕其歸大敗之

宣德正統天順間常詐稱入貢有間即入寇  
時有郵人楊守陳致書于主客郎中欲絕其  
貢此確論也惜乎不易故轍

洪武間來貢不恪正其罪絕其貢著之祖訓  
永樂時入貢數數知中國虛實山川險易狡  
稱入貢實其計也宜遵祖訓嚴其防守以絕  
其貢至者即以寇論使其計無所施禦者亦  
無疑貳當事者畧不經意是以禍亂之階不

其時罹毒害烏可勝計

成化二年偽稱入貢即寇大嵩潮退賊艘膠  
於沙上官軍固守之向晚賊以篙立沙中懸  
燈其上至曉不動潮至賊皆遁去將官坐失  
機者甚衆惟弘治正德間無所聞

嘉靖二年各道爭貢自相為亂備禦密不得  
還還至寧波執指揮袁進越關遁去備倭指  
揮劉錦追至海上戰歿把總欲率兵追擊之

問王守仁曰歸師勿遏當縱其出拒其入嚴  
守要害使進無所獲退無所資疲困於舟於  
是取之兵不血刃矣時暴風漂入朝鮮境斬  
首生擒疲死於獄倭奴自此懼不敢款關者  
數年然市舶具在至十七年間好利豪商私  
通貿易勾引倭奴去來無憚有市其貨不償  
值盤踞海洋不去時有逸囚亡戍或逆橫徒  
迫於饑寒相率入群或為奸細或為鄉道圖

一時之快豈暇他慮如王直號五峯徐海號  
碧溪毛醢號海峯陳東皆華人先是王直與  
之歙縣人少落魄壯任俠善施與一時無賴  
輩樂與之遊以中國法紀森嚴動干文罔孰  
若海外之徜徉自適于是嘉靖十九年間直  
與蔡宗滿造海舶置硝磺絲綿違禁物抵日  
本暹羅西洋諸國貿易致富不貲夷人親信  
之集亡命引番倭於明州鄞衢之震岐出沒

剽掠騷動二十七年都御史朱紘奉勅旨至  
杭調福建都指揮盧鏜率舟師搗其巢溺死  
數百直等遁走餘黨亦遁入福建海中浯嶼  
復遣盧鏜勦平之紘躬督發木石塞嶼口使  
賊舟不能入時海禁久弛緣海悉嘗通番奸  
民為其接濟勢豪為其居停知利而忘害紘  
嚴申禁令有犯必戮紀綱振肅時人有云去  
外夷盜易去中國盜難去中國盜易去中國

衣冠盜難上章鐫暴貴官通番二三渠魁聲  
勢相倚譁然擯触始議群公至眩視聽明年  
議廢乃改巡撫為巡視統遂解職去自此東  
南多事矣五島倭人為亂王直有憾于夷圖  
報之且欲攝服諸番請于防海將官勦之幾  
盡聲言宣力本朝以要重賞且乞通互市將  
官不許但餽米百數石直以報薄大詬投之  
於海從此益怨頻入侵盜事聞廷議復建臺



聞于杭僉都御史王忬巡視海防仍置二叅  
將湯克寬俞大猷分守至三十年間王直令  
倭夷突入定海關移泊金塘港自以巨舟泊  
列表俞大猷率舟師數千圍之直以火箭突  
圍去怨益甚且眇官軍易與也據古薩摩洲  
之松浦津稱王制三十六島之夷皆為順指  
明年寇温州尋破黃巖縣蘓松已聞畧不為  
備三十一年倭奴猝至寶山不滿百人百戶



宗元爵馮舉率所部與賊遇殺一人衆賊奮  
聞二百戶皆被殺據楊氏宅擄數日滿載而  
去三十二年癸丑三月初二忽有倭奴三十  
六人於青村所焦墩登岸時已承平日久茫  
不知兵不思越海孤寇勢必有進無退有死  
無生百戶王河藐賊數寡率隊長陳九等倉  
卒出擒賊以必死之勢奮擊未及交戈百戶  
隊長被殺餘即奔潰復殺數人自後絕不敢